

№ 18-02-16-02
2022yil «20» yanvar

ТАСДИҚЛАЙМАН
"Ўзавтосаноат" АЖ
Бошқарув раисининг
Биринчи ўринбосари
_____ А.В. Рафиков

2022 йил « ____ » _____

**«Ўзавтосаноат» АЖ эҳтиёжи учун
Картриджларни тўлдириш ва офис жиҳозларига
техник хизмат кўрсатиш**

**харид қилиш бўйича
энг яхши таклифларни танлаш хужжатлари
(электрон шаклда)**

Буюртмачи: «Узавтосаноат» АЖ

Тошкент шаҳри 2022 г.

МУНДАРИЖА:

I. Танлаш иштирокчиларига йўриқнома

II. Танлаш техник қисми

III. Танлаш нарх қисми

IV. Шартнома лойиҳаси

I. ТАНЛАШ ИШТИРОКЧИЛАРИГА ЙЎРИҚНОМА

1. УМУМИЙ ҚОИДАЛАР	
1.1	Ушбу харид ҳужжатлари "Давлат харидлари тўғрисида" ги Ўзбекистон Республикаси Қонуни № 684 (кейинги ўринларда Қонун) талабларига ва Ўзбекистон Республикаси Президентининг 2018 йил 20 февралдаги ПҚ-3550-сонли қарорига мувофиқ ишлаб чиқилган. "Лойиҳалашдан олдин, лойиҳа, тендер ҳужжатлари ва шартномаларни экспертизадан ўтказиш тартибини такомиллаштириш чора-тадбирлари тўғрисида" (кейинги ўринларда қарор).
1.2	Харид предмети: - Картриджларни тўлдириш ва офис жиҳозларига техник хизмат кўрсатиш.
1.3	Товарлар (иш, хизматлар) чегаравий қиймати ва валюта талаби ушбу харид ҳужжатларининг нарх қисмида кўрсатилган. Тижорат таклифида кўрсатилган нархлар чегара нархидан ошмаслиги керак.
1.4	Техник топшириқлар ушбу харид ҳужжатининг техник қисмида келтирилган.
1.5	Харид комиссияси йиғилиш шакли – электрон тарзда.
2. ДАВЛАТ БУЮРТМАЧИСИ (КОРПОРАТИВ БУЮРТМАЧИ)	
2.1	«Узавтосаноат» АЖ (кейинги ўринларда «Буюртмачи») харидлар буюртмачиси ҳисобланади. «Буюртмачи» манзили: Тошкент шаҳри, Миробод тумани, Амир Темур шох кўчаси, 13-уй Банк реквизитлари: 1) Банк номи: Тошкент ш., "ТИФ Миллий Банки" АЖ Бош амалиёт филиали, МФО: 00407, х/р: 2021 0000 3004 3147 5001. ОКЭД: 84111, СТИР: 201053918

2.2	<p>Давлат буюртмачисининг иштирокчилар билан боғланиш учун алоқа боғловчи шахслар: Фамилияси, исми, шарифи: Юсупов Ислон Усмонович Лавозими: Харидлар бўйича бош мутахассис Манзили: Ўзбекистон Республикаси, Тошкент шаҳри, Миробод тумани, Амир Темур шох кўчаси, 13-уй Телефон рақами: +(99890)997-08-88; (+99833)410-08-88 Электрон почта манзили: islom.yusupov@uzavtosanoat.uz</p>
2.3	<p>Харидларни танлаш буюртмачисининг ходимлари орасидан камида беш нафар аъзодан иборат таркибда тузилган харид комиссияси орқали амалга оширилади.</p> <p>Харид комиссияси қуйидаги вазифаларни бажаради: харид қилиш ҳужжатларини келишади; таклифлар қабул қилиш муддатларини белгилайди; таклифларни очиш тартиб-таомилларини белгилайди; таклифларни баҳолаш мезонларини ва усулларини белгилайди; зарур бўлганда таклиф киритиш тартибини, ҳажмини ва уни таъминлаш шаклини белгилайди; харид қилиш тартиб-таомили иштирокчиларининг таклифларини очишни амалга оширади; дастлабки малака танловини ўтказиши, агар харид қилиш ҳужжатлари шартларида бу назарда тутилган бўлса; зарур бўлганда дастлабки малака танлови натижаларини ҳисобга олган ҳолда қарор қабул қилади; зарур бўлганда баҳолаш гуруҳини ташкил этиш тўғрисида қарор қабул қилади; харид қилиш тартиб-таомилларини ушбу Қонунга мувофиқ амалга оширади; харид қилиш тартиб-таомилларининг рақобатлашув турлари ғолибини ва зарур бўлганда захирадаги ғолибни белгилайди ёки савдони амалга оширмаган деб топади.</p> <p>Харид комиссияси давлат харидларининг бошқа субъектлари томонидан амалга ошириладиган ҳаракатлар учун жавобгар бўлмайди.</p> <p>Харид комиссияси томонидан ўз ваколати доирасида қабул қилинадиган қарорлар давлат буюртмачиси ва харид қилиш тартиб-таомиллари иштирокчилари учун мажбурийдир.</p>

2.4	Шартнома эгаси: «Узавтосаноат» АЖ.
3. Харид қилиш тартиб-таомиллари иштирокчиси	
3.1	<p>Харид қилиш тартиб-таомиллари иштирокчиси (бундан буён матнда иштирокчи деб юритилади) харид қилиш тартиб-таомилида давлат харидларини бажариш учун талабгор сифатида иштирок этаётган, Ўзбекистон Республикасининг резиденти ёки норезиденти бўлган жисмоний ёки юридик шахсдир.</p> <p>Иштирокчи: давлат харидлари тўғрисидаги қонунчилик талабларига риоя этиши; харид қилиш ҳужжатлари талабларига мувофиқ бўлган таклифлар ва ҳужжатларни тақдим этиши ҳамда тақдим этилган ахборотнинг ишончлилиги учун жавобгар бўлиши; асосий бенефициар мулкдор тўғрисидаги маълумотларни ошкор этиши; ғолиб деб топилган тақдирда, давлат буюртмачиси билан қонунчиликда назарда тутилган тартибда ва муддатларда шартнома тузиши шарт.</p> <p>Иштирокчи ва унинг аффилиланган шахси электрон дўкон, аукцион, энг яхши таклифларни танлаш ва тендер бўйича айни битта лотда иштирок этиш ҳуқуқига эга эмас.</p>
3.2	<p>ИШТИРОКЧИЛАРГА ҚЎЙИЛАДИГАН ТАЛАБЛАР: Иштирокчилар қуйидаги мезонларга мувофиқ бўлиши керак:</p> <ul style="list-style-type: none"> - <u>шартномани бажариш учун зарур техник, молиявий, моддий, кадрлар ресурсларининг ҳамда бошқа ресурсларнинг мавжудлиги;</u> - <u>шартнома тузиш учун қонуний ҳуқуққа эгалик;</u> - <u>солиқлар ва йиғимларни тўлаш бўйича муддати ўтган қарздорликнинг мавжуд эмаслиги;</u> - <u>ўзига нисбатан жорий этилган банкротлик тартиб-таомилларининг мавжуд эмаслиги;</u> - <u>Инсофсиз ижрочиларнинг ягона реестрида қайд этилмаганлиги.</u>

4.	<p>ДАВЛАТ ХАРИДЛАРИНИНГ ИЖРОЧИСИ Давлат харидларининг ижрочиси (бундан буён матнда ижрочи деб юритилади) харид қилиш тартиб-таомиллари яқунлари бўйича ғолиб деб топилган ва ўзи билан давлат харидлари тўғрисида шартнома тузилган иштирокчидир.</p> <p>Ижрочи:</p> <ul style="list-style-type: none"> - <u>қонунчилик талабларига риоя этиши;</u> - <u>шартномани унинг шартларига мувофиқ бажариши;</u> - <u>асосий бенефициар мулкдор тўғрисидаги маълумотларни ошқор этиши;</u> - <u>шартномани бажариш жараёнида давлат буюртмачисига ёки ваколатли давлат органига унинг сўрови бўйича тушунтиришлар ва ахборот бериши шарт.</u> <p>Давлат буюртмачиси зарур бўлганда товарларнинг (ишларнинг, хизматларнинг) ўзига хос хоссаларидан ёки хусусиятларидан келиб чиққан ҳолда иштирокчиларга қўшимча талаблар белгилашга ҳақли.</p>
----	---

5. ТАНЛАШНИ ЎТҚАЗИШ ТАРТИБИ	
5.1	<p>Танлашда иштирок этиш учун танлаш иштирокчиси қуйидагиларни бажариши шарт:</p> <ul style="list-style-type: none"> а) танлаш шартлари билан танишиш учун махсус ахборот порталида жойлаштирилган эълон билан танишиш ва танлаш ҳужжатларининг электрон нусхасини олиш (юклаб олиш); б) танлаш таклифини харид ҳужати ва электрон портал талаблари асосида тақдим этиши; в) таклифларни махсус ахборот портали платформасида фақат электрон шаклда тақдим этиши.
6. ТАНЛАШ ТИЛИ ВА ЎЛЧОВ БИРЛИКЛАРИ	

6.1	<p>Танлаш тўғрисидаги ахборот давлат тилида эълон қилинади ва тарқатилади. Танлаш тўғрисидаги ахборот давлат тили билан бир вақтда бошқа тилларда ҳам эълон қилиниши ва тарқатилиши мумкин. Бошқа тилларда эълон қилинаётган танлаш тўғрисидаги ахборотнинг мазмуни давлат тилида эълон қилинган ахборотга мувофиқ бўлиши керак.</p> <p>Иштирокчилар танлашда иштирок этиш учун таклифни давлат тилида ва, заруриятга қараб, бошқа тилларда тайёрлаши мажбурийдир.</p>
6.2	<p>Энг яхши таклифларни танлашда иштирочи таклифида метрик ўлчов тизимидан фойдаланиш керак</p>
<p>7. ТАНЛАШДА ИШТИРОК ЭТИШ УЧУН ТАКЛИФ ВА УНИ РАСМИЙЛАШТИРИШ ВА БЕРИШ ТАРТИБИ</p>	
7.1	<p>Иштирокчилар танлашда иштирок этиш учун таклифни давлат тилида ва, заруриятга қараб, бошқа тилларда тайёрлашга мажбурдирлар.</p> <p>Танлаш иштирокчиларининг таклифлари эълонда ва танлаш бўйича харид қилиш ҳужжатларида белгиланган тартибда танлаш ўтказиш тўғрисидаги эълонда кўрсатилган махсус ахборот портали платформасида фақат электрон шаклда тақдим этилади.</p> <p>Таклифда давлат хариди объекти бўлган товарнинг эскизи, расми, чизмаси, фотосурати ва бошқа тасвири, нусхаси, намунаси бўлиши мумкин.</p> <p>Танлаш иштирокчиси тақдим этилаётган ахборот ва ҳужжатларнинг ҳақиқийлиги ва тўғрилиги учун жавобгар бўлади.</p> <p>Танлаш иштирокчиси фақат битта таклиф беришга ҳақли.</p> <p>Танлаш учун таклифларни қабул қилиш махсус ахборот портали орқали давлат харидларининг электрон тизимида чоп этилган эълонда кўрсатилган муддат келиши билан тугатилади.</p>
7.2	<p>Иштирокчилар таклифларининг амал қилиш муддати танлаш таклифлари тугаган кундан бошлаб камида 30 иш куни бўлиши керак.</p>

8. ТАКЛИФЛАРНИ ТАҚДИМ ҚИЛИШ МУДДАТЛАРИ ВА ТАКЛИФЛАР АМАЛ ҚИЛИШ МУДДАТЛАРИНИ УЗАЙТИРИШ

8.1	Буюртмачи харид қилиш тартиб-таомилларининг барча иштирокчиларига татбиқ этиладиган таклифларни тақдим этиш муддатларини узайтириши ва қонунчиликда назарда тутилган ҳолларда харид қилиш тартиб-таомиллари иштирокчилари таклифларининг амал қилиш муддатини муайян даврга узайтириш тўғрисидаги таклиф билан уларга муружаат қилиш ҳуқуқига эга.
-----	--

9. ТАНЛАШ БҲЙИЧА ХАРИД ҚИЛИШ ҲУЖЖАТЛАРИГА ҲЗГАРТИРИШЛАР КИРИТИШ

9.1	Давлат буюртмачиси харид комиссияси билан келишилган ҳолда танлашда иштирок этиш учун таклифлар бериш муддати тугайдиган санадан бир иш кунидан кечиктирмай танлаш бўйича харид қилиш ҳужжатларига ўзгартиришлар киритиш тўғрисида қарор қабул қилишга ҳақли. Бунда ушбу танлашда таклифларни тақдим этишнинг тугаш муддати камида уч иш кунига узайтирилади. Шу билан бирга, эълонда кўрсатилган ахборот ўзгартирилган бўлса, танлаш ўтказиш тўғрисидаги эълонга ўзгартиришлар киритилади. Товарларни (ишларни, хизматларни) ўзгартиришга йўл қўйилмайди.
-----	---

10. ТАНЛАШНИ ҲТҚАЗИШ, ТАНЛАШ ТАКЛИФЛАРИНИ ОЧИШ, УЛАРНИ БАҲОЛАШ

10.1	Келиб тушган таклифлар харид комиссияси томонидан кўриб чиқилади. Танлаш бўйича харид қилиш ҳужжатлари талабларига мос келмайдиган таклифлар харид комиссияси томонидан рад этилади ва баҳоланмайди.
10.2	Танлаш иштирокчиларининг таклифларини кўриб чиқиш ва баҳолаш муддати таклифлар бериш тугаган пайтдан эътиборан ўн иш куни ичидам амалга оширилади.

10.3	Агар танлов иштирокчиси томонидан тақдим этилган ҳужжатларда ишончсиз ёки ёлғон маълумотлар аниқланса, Харид қилиш комиссияси бундай иштирокчини танлашда иштирок этиш ҳуқуқидан маҳрум этишга ҳақлидир.
10.4	Таклифлар агар Қонун, қарор, низом ва танлаш харид ҳужжатлари талабларига жавоб берса мос равишда расмийлаштирилган деб топилади, акс ҳолда харидлар комиссияси таклифларни рад этишга ҳақлидир.
10.5	Иштирокчи томонидан тақдим этилиши учун зарур бўлган малака ҳужжатларининг шакллари ушбу харид ҳужжатининг 1-иловасида кўрсатилган.
10.6	Танлов ҳужжатлари ва таклифида кўрсатилган мезонларга асосан шартномани бажариш учун энг яхши шартларни таклиф қилган иштирокчи ғолиб ҳисобланади.
10.7	Арифметик ёки бошқа хатолар мавжуд бўлганда, Харид қилиш комиссияси танлаш иштирокчисини хабардор қилиб, танлаш таклифини рад этишга ёки уларни кейинги кўриб чиқиш учун бошқа шартларни белгилашга ҳақлидир.
10.8	Таклифларни баҳолаш натижаларига кўра харид комиссияси танлаш ғолибини аниқлайди
10.9	Ғолиб шартнома тузишни рад этган тақдирда унга закат суммаси қайтариб берилмайди. Агар харид комиссияси томонидан захирадаги ғолиб аниқланган бўлса, шартнома тузиш ва унга доир мажбуриятларни бажариш ҳуқуқи захирадаги ғолибга ўтади. Бунда захирадаги ғолиб ғолиб томонидан таклиф этилган нарх бўйича (бундан захирадаги ғолиб таклиф этган нарх ғолиб томонидан таклиф этилган нархдан паст бўлган ҳоллар мустасно) шартнома тузади ёки шартнома тузишни рад этиши мумкин.

10.11	<p>Баённома давлат буюртмачиси томонидан у расмийлаштирилган кунда давлат харидларининг электрон тизимига муҳокама қилиш учун икки иш кунига жойлаштирилиши керак.</p> <p>Агар икки иш куни ичида танлаш иштирокчилари томонидан танлаш ўтказиш натижалари бўйича эътирозлар келиб тушмаган бўлса, давлат буюртмачиси ва харид комиссияси томонидан ғолиб деб топилган иштирокчи ўртасида шартнома тузилади.</p> <p>Муҳокама учун белгиланган муддат тугаганидан кейин келиб тушган эътирозлар харид комиссияси томонидан кўриб чиқилмайди.</p> <p>Танлаш иштирокчилари томонидан танлаш ўтказиш натижалари бўйича эътирозлар келиб тушганда, харид комиссияси эътирозларни кўриб чиқади ва тегишли қарор қабул қилади.</p>
10.12	<p>Давлат буюртмачиси томонидан харид комиссиясига тақдим этилган муҳокама натижалари тўғрисидаги ахборот асосида харид комиссиясининг тегишли мажлиси баённомаси расмийлаштирилади ва имзоланган кундан бошлаб уч иш куни ичида давлат харидларининг электрон тизимига жойлаштирилади.</p> <p>Танлаш натижалари бўйича тузилган шартнома тўғрисидаги ахборот давлат буюртмачиси томонидан махсус ахборот порталига у тузилган кундан бошлаб уч иш кундан кечиктирмай жойлаштирилади.</p>
<p>11. ТОМОНЛАР ЖАВОБГАРЛИГИ ВА МАХФИЙЛИКНИ СИР САҚЛАШ</p>	

11.1	<p>Буюртмачи ёки давлат харидлари электрон тизими операторининг ходими ўзининг давлат харидлари ижрочилари ёки ҳар қандай бошқа шахс билан муносабатларида, агар бундай ахборотни ошкор этмаслик давлат хавфсизлиги манфаатларини ҳимоя қилиш учун зарур бўлса ёки агар бундай ахборотнинг ошкор этилиши қонунчиликка зид бўлса,</p> <p>уларга риоя этилишини таъминлашга монелик қилса, давлат харидлари субъектларининг қонуний манфаатларига зарар етказса ёхуд инсофли рақобатга тўсқинлик қилса, агар давлат харидлари соҳасидаги ваколатли орган бундай ахборотни ошкор этиш тўғрисида қарор қабул қилмаса, ҳеч бир ахборотни ошкор этишга ҳақли эмас.</p> <p>Давлат харидлари соҳасидаги ваколатли орган бундай ахборотни ошкор этиш тўғрисида қарор қабул қилган тақдирда, ушбу қарорнинг шартларига риоя этилади.</p> <p>Харид қилиш тартиб-таомиллари иштирокчиси харид қилиш тартиб-таомилида иштирок этиб, унинг харид қилиш тартиб-таомилида иштирок этиши билан боғлиқ тақлифда ўзи кўрсатган барча маълумотларнинг эълон қилинишига розилик билдиради.</p>
11.2	<p>Шартнома бўйича мажбуриятларни бажармаган (миқдорий, сифат ва техник кўрсаткичлар бўйича) танлаш ғолиби Ўзбекистон Республикаси қонунчилиги ва / ёки тузилган шартнома бўйича жавобгар бўлади.</p>
<p>12. ТАНЛАШ НАТИЖАЛАРИНИ РАСМИЙЛАШТИРИШ ВА БОШҚА ШАРТЛАР</p>	

12.1	<p>Танлаш натижаларига доир шартнома танлаш бўйича харид қилиш ҳужжатларида ва ўзи билан шартнома тузилаётган танлаш иштирокчиси томонидан тақдим этилган таклифда назарда тутилган шартлар асосида тузилади.</p> <p>Давлат буюртмачиси томонидан танлаш бўйича харид қилиш ҳужжатларида ғолиб шартноманинг шартлари бажарилиши таъминотини тақдим этганидан кейин шартнома тузилишини назарда тутувчи шарт қўйилиши мумкин.</p> <p>Ғолиб шартнома тузишни рад этган тақдирда унга закат суммаси қайтариб берилмайди. Агар харид комиссияси томонидан захирадаги ғолиб аниқланган бўлса, шартнома тузиш ва унга доир мажбуриятларни бажариш ҳуқуқи захирадаги ғолибга ўтади. Бунда захирадаги ғолиб ғолиб томонидан таклиф этилган нарх бўйича (бундан захирадаги ғолиб таклиф этган нарх ғолиб томонидан таклиф этилган нархдан паст бўлган ҳоллар мустасно) шартнома тузади ёки шартнома тузишни рад этиши мумкин.</p>
12.2	<p>Иштирокчилар давлат буюртмачисига ёки ушбу буюртмачи томонидан жалб этилган ихтисослашган ташкилотга муайян давлат харидларининг тартиб-таомиллари, уларни ўтказиш талаблари ва шартлари бўйича сўровлар бериш ҳамда улардан тушунтиришлар олишга ҳақли.</p>
12.3	<p>Агар танлашда иштирок этиш учун таклифларни тақдим этиш муддати тугаган пайтда фақат битта таклиф тақдим этилган ёки бирорта ҳам таклиф тақдим этилмаган бўлса, шунингдек харидлар комиссияси томонидан таклифларнинг танлаш харид ҳужжатлари талабларига мос эмас деб топилган ҳолларда танлаш ўтказилмаган деб ҳисобланади.</p>

12.4	<p>Давлат буюртмачиси ғолиб бўлган таклиф акцептига қадар исталган вақтда давлат харидини бекор қилиш ҳуқуқига эга. Давлат хариди бекор қилинган тақдирда давлат буюртмачиси бундай қарор қабул қилингандан кейин уч иш куни ичида давлат харидларининг электрон тизими орқали махсус ахборот порталида мазкур қарорнинг асослантирилган сабабларини эълон қилади.</p> <p>Давлат буюртмачиси давлат хариди бекор қилинганлиги учун жавобгар бўлмайди, бундан бекор қилиш давлат буюртмачисининг ғайриқонуний ҳаракатлари (ҳаракатсизлиги) оқибати бўлган ҳоллар мустасно.</p>
12.5	<p>Техник топшириқда товарлар наъмунаси талаб қилинган ҳолларда, тижорат таклифларини топшириш муддати тугагунга қадар ҳар бир товар намунаси Иштирокчи томонидан</p> <p>техник баҳолаш учун Буюртмачига топширилиши керак. Бундай талаб баҳолаш мезонида кўрсатилади. Техник спецификациялар талабларига техник жиҳатдан жавоб бермайдиган товарлар Буюртмачи томонидан қабул қилинмайди. Ушбу ҳолда ёки товарлар наъмунаси тақдим қилинмаган ҳолларда таклифлар харид комиссияси томонидан</p> <p>кўриб чиқилмайди ва бекор қилинади.</p>

III. НАРХ ҚИСМИ

Танлаш таклифида кўрсатилган нархлар чегара нархидан ошмаслиги ва қўшимча равишда ўзгартирилиши мумкин эмас.

Иштирокчи нархларида ҚҚС ҳисобга олинган ҳолда ва ҚҚС ҳисобга олинмасдан нархларни тақдим этиши шарт.

1	Чегаравий нарх	40 000 000 сўм (қирқ миллион сўм) ҚҚС ҳисобга олинган ҳолда.
2	Молиялаш манбааси	Буюртмачининг ўз маблағлари
3	Товарлар хариди учун тўлов шартлари ва графи:	Товарларга 100% тўлов юқори сифатли маҳсулотни қабул қилинганидан ва ҳисоб-фактурани топширгандан кейин 10 (ўн) банк иш куни ичида амалга оширилади.

4	<p>Иш ва хизматлар учун тўлов шартлари ва графиги:</p>	<p>Ишлар (хизматлар) нархининг 100% суммаси буюртмачи томонидан кўрсатилган хизматлар / бажарилган ишлар тўғрисидаги далолатнома асосида бажарилган ишлар / кўрсатилган хизматлар натижаси олинганидан кейин 10 (ўн) банк куни давомида Ижрочига тўланади. Бунда Ижрочи томонидан тақдим этилган ҳисоб-фактура иккала томондан имзолаган бўлиши керак. Кўрсатилган хизматлар / бажарилган ишлар далолатномаси Буюртмачи томонидан фақат иш / хизматларнинг ижобий натижасига эришилган тақдирда имзоланади. Кўрсатилган хизматлар / бажарилган ишлар тўғрисидаги гувоҳноманинг шакли ушбу Шартноманинг 2-иловасида келтирилган. Қисмларга бўлиниб бажарилган ишлар / кўрсатилган хизматлар учун ҳақ тўлашга рухсат берилади.</p>
5	<p>Иштирокчилар учун тўлов валютаси</p>	<p>UZS –Ўзбекистан Республикаси валютаси (Сўм).</p>

<p>6 Товарларни етказиш муддати (иш ва хизматларни бажариш муддати)</p>	<p>Офис ва компютер жиҳозларига техник хизмат кўрсатиш</p> <p>1. Картриджларни таъмирлаш ва тўлдириш. Тонер билан тўлдириш ва компонентларни алмаштириш-сўров кунидан бошлаб 3 (уч) иш кунидан ошмаслиги керак. Таъмирлаш / тулдириш учун сўров жавоб вақти-кўпи билан 24 соат (сўров пайтдан бошлаб).</p> <p>2. Офис жиҳозларини таъмирлаш ва техник хизмат кўрсатиш. Техник ускуналар ўз ичига олади: техник профилактика, суртма суритиш, тузатиш ва қоғоз йўлини тозалаш; тозалаш, тўлқин тизимларига суртма суритиш; текшириш ва тозалаш, маҳкамлаш кисмига суртма суритиш; сканерлаш ва лойиҳалаш, лазерли ускуналарнинг элементларини тозалаш; компонентлар учун ускуналар диагностикаси - кўпи билан 10 (ўн) кун (дастур олинган кундан бошлаб).</p> <p>3. Офис ва компютер техникаси еҳтиёт қисмларини алмаштириш бўйича ишлар.</p> <p>4. Компютер ва оргтехника воситалари учун нуқсонларнинг тасдикловчи актлар билан таъминлаш. Етказиб берувчи миждан сўров қабул қилган кундан бошлаб 10 (ўн) иш куни мобайнида хизмат кўрсатиши шарт.</p> <p>5. Алмашган қисмлар учун бой дан кам булмаган қафолат, факатгина асл еҳтиёт қисмлари.</p>
--	---

7	Танлаш таклифи амал қилиш муддати	Таклифларни тақдим қилиш вақти тугаганида сўнг 60 иш куни
---	--	---

IV. ШАРТНОМА ЛОЙИҲАСИ ХИЗМАТ КЎРСАТИШ ШАРТНОМАСИ

Тошкент ш. _____ -сон _____ 2022 йил

“Узавтосаноат” АЖ (кейинги ўринларда “Буюртмачи” деб юритилади) номидан _____ бир томондан ва _____ (кейинги ўринларда “Бажарувчи” деб юритилади) номидан устав асосида ҳаракат қилувчи директор _____ “ _____ ушбу шартномани туздилар:

1. ШАРТНОМА ПРЕДМЕТИ

1.1. Бажарувчи ўз таваккалчилигига асосланган ва ўзининг материалларидан фойдаланган ҳолда Буюртмачининг топшириғига асосан қуйидаги ишларни бажариш мажбуриятини олади: Картриджларни тўлдириш ва офис жиҳозларига техник хизмат кўрсатиш.

1.2. Буюртмачи Бажарувчига тасдиқланган ҳужжатларини тақдим

этиш, бажарилган ишни ўз вақтида молиялаштирилишини таъминлаш, тайёр бўлган маҳсулотларни қабул қилиш ва ҳақини тўлаш мажбуриятини олади.

2. ШАРТНОМА БАҲОСИ

2.1. Шартнома баҳоси 40 000 000 сўм (қирқ миллион сўм) ҚҚС ҳисобга олинган ҳолда ташкил этади.

2.2. Шартноманинг 2.1- бандида кўрсатилган баҳо дастлабки бўлиб, сўнгги баҳо Бажарувчи тақдим этган ва ҳақиқатда бажарилган далолатнома ҳамда ҳисоб фактураларга мувофиқ белгиланади.

Шартнома баҳоси инфляция натижасида тарафларнинг келишувига мувофиқ ўзгартирилиши мумкин.

3. ТЎЛОВ ШАРТЛАРИ

3.1. Шартнома имзолангандан сунг Буюртмачи Бажарувчининг ҳисоб рақамига бажарилган далолатнома ҳамда ҳисоб фактураларга мувофиқ тулайди

3.2. Шартнома бўйича сўнгги ҳисоб-китоб ишлар бажарилгандан сўнг, қабул қилиш жараёнида аниқланган камчиликларни бартараф этиш ҳисобга олинган ҳолда, 30 кундан кечиктирмай Буюртмачи томонидан амалга оширилади.

4. МАЖБУРИЯТЛАРНИ БАЖАРИШ МУДДАТЛАРИ

4.1. Бажарувчи ушбу шартноманинг 1.1-бандида назарда тутилган ишларни ишларнинг шартнома имзоланган кундан бошлаб 1 йил (365 календар кун) давомида бажаради.

4.2. Шартноманинг амал қилиш муддати: _____ йилгача

5. ТАРАФЛАРНИНГ МАЖБУРИЯТЛАРИ

5.1. Бажарувчининг мажбуриятлари:

5.1.1. ўз кучи ва маблағлари ҳисобидан ишларнинг белгиланган ҳажмда ва муддатларда барча ишларни бажариш ва Буюртмачи талабларига мос келадиган ҳолатда ишларни топшириш;

5.1.2. Бажарувчи ўзига тегишли қурилмалар, бутловчи ашёларни сақлашни амалга ошириш;

5.1.3. Ишлаш майдончасида техник ва ёнғин хавфсизлигига ҳамда ишлаш майдончасининг қўриқланиши бўйича зарурий тадбирларнинг бажарилишини таъминлаш;

5.1.4. Бажарувчи ўзига бириктирилган техникалар ва ускуналарда бажарилган синов ишларининг хажми, сифати талабларига жавоб бериши юзасидан “Буюртмачи” олдида жавобгарликни тўла ўз зиммасига олади.

5.2. Буюртмачининг мажбуриятлари:

5.2.1. шартномада белгиланган миқдорда ва муддатда шартноманинг 1.1-бандида назарда тутилган ишларни бажарганлик учун Бажарувчига ҳақ тўлаш;

5.2.2. Бажарувчининг ёзма хабарномасини олган санадан бошлаб 1 ҳафта ичида ускунани қабул қилиб олиш.

6. ТАРАФЛАРНИНГ ЖАВОБГАРЛИГИ

6.1. Тарафлар шартнома бўйича мажбуриятларни бажариш муддатларини бузган тақдирда, айбдор тараф иккинчи тарафга ҳар бир кечиктирилган кун учун шартнома баҳосининг 0,1% аммо 5%дан ортиқ булмаган миқдорида жарима тўлайди.

6.2. Мазкур шартнома бўйича бошқа мажбуриятларни бажармаганлик ёки лозим даражада бажармаганлик учун айбдор тараф иккинчи тарафга зарарни ва бой берилган фойдани қоплайди.

6.3. Жарима тўлаш тарафларни мажбуриятларини бажариш ёки камчиликларни бартараф этишдан озод этмайди.

7. ФОРС-МАЖОР

7.1. Тарафлар ихтиёрига боғлиқ бўлмаган, уларни олдиндан билиш ёки олдини олиш имконияти бўлмаган ҳолатлар (енгиб бўлмас куч) оқибатида мажбуриятларни бажармаганлик ёки лозим даражада бажармаганлик учун тарафлардан бирортаси иккинчи тараф олдида жавобгар эмасдир. Бундай ҳолатлар жумласига эпидемиялар, табиий офатлар, ҳарбий ҳаракатлар киради.

7.2. Тегишли савдо палатаси ёки бошқа ваколатли орган томонидан берилган гувоҳнома енгиб бўлмас кучнинг мавжудлиги ва амал қилишининг давомийлигини тасдиқлаш учун етарли ҳужжатдир.

7.3. Ўз мажбуриятларини бажара олмаётган тараф енгиб бўлмас кучнинг мавжудлиги ва унинг шартнома бўйича мажбуриятларни бажаришга таъсири ҳақида иккинчи тарафга хабарнома бериши лозим.

7.4. Агар енгиб бўлмас куч ҳолатлари узлуксиз _____ ой давомида амал қилиб турса ва яқин муддат ичида бекор қилиниши эҳтимоли

бўлмаса, мазкур шартнома тарафлардан бирининг ташаббуси билан иккинчи тарафга ёзма билдиришнома юбориш йўли билан бекор қилиниши мумкин.

8. НИЗОЛАРНИ ҲАЛ ҚИЛИШ ТАРТИБИ

8.1. Ушбу шартнома бўйича ёки у билан боғлиқ ҳолда тарафлар ўртасида келиб чиқадиган барча низолар ва зиддиятлар тарафлар ўртасида музокаралар олиб бориш йўли билан ҳал этилади.

8.2. Музокаралар олиб бориш йўли билан низоларни ҳал қилишга эришилмаган тақдирда, мазкур шартноманинг тузилиши, унинг шартларининг ўзгариши, бузилиши, ижро этилиши, бекор бўлиши, тугатилиши ва ҳақиқийлиги юзасидан келиб чиқувчи барча низолар, келишмовчиликлар ва талаблар Тошкент туманлараро иқтисодий судида яқка тартибда кўриб чиқилади. Иқтисодий судининг ҳал қилув қарори тарафлар учун қатъий ва мажбурий ҳисобланади.

9. ШАРТНОМАНИ ЎЗГАРТИРИШ ВА УНГА ҚЎШИМЧАЛАР КИРИТИШ ТАРТИБИ

9.1. Мазкур шартномага ҳар қандай ўзгартириш ва қўшимчалар улар ёзма равишда расмийлаштирилган ва тарафларнинг ваколатли шахслари томонидан имзоланган тақдирда ҳақиқий ҳисобланади.

9.2. Мазкур шартномани муддатидан олдин бекор қилишга тарафларнинг келишувига мувофиқ ёки Ўзбекистон Республикасининг амалдаги қонун ҳужжатларида назарда тутилган асосларга кўра, етказилган зарар қопланган ҳолда йўл қўйилади.

9.3. Буюртмачи қуйидаги ҳолларда шартномани бекор қилишга ҳақли:

- Бажарувчининг шартнома шартларини бузиши оқибатида техник зарар курилса.

9.4. Бажарувчи қуйидаги ҳолларда шартномани бекор қилишга ҳақли:

- Бажарувчига боғлиқ бўлмаган сабабларга кўра техник ишлари Буюртмачи томонидан тўхтатилса;

- Буюртмачи бажариладиган ишни молиялаштириш имкониятини йўқотган бўлса.

9.5. Шартнома бекор қилинганда Буюртмачи ва Бажарувчининг

биргаликдаги келишувига мувофиқ тугалланмаган ишлар Буюртмачига топширилади ва у биргаликда келишилган ҳажмда бажарилган ишлар қийматини Бажарувчига тўлаши лозим.

9.6. Шартномани бекор қилиш ҳақида қарорга келган тараф иккинчи тарафга 5 кун олдин ёзма билдиришнома юбориши шарт.

10. БОШҚА ШАРТЛАР

10.1. Камчиликларни бартараф этиш Бажарувчи томонидан ва унинг ҳисобидан амалга оширилади.

10.2. Камчиликларнинг мавжудлиги ва уларни бартараф этиш муддатлари Буюртмачи ва Бажарувчининг қўшма далолатномасида қайд этилади.

10.3. Агар Бажарувчи камчиликлар аниқланганлиги ҳақидаги далолатномада кўрсатилган муддатда бажарилган ишлардаги камчиликларни бартараф этмаса, Буюртмачи камчиликларни бошқа ижрочининг кучи билан, харажатларни Бажарувчига юклаган ҳолда бартараф этишга ҳақли.

10.4. Бажарувчи камчиликлар аниқланганлиги ҳақидаги далолатномани тузишдан ёки имзолашдан бош тортган тақдирда, Буюртмачи уларни тасдиқлаш учун малакали экспертиза тайинлайди ва бу экспертиза камчиликлар ва уларнинг хусусиятларини қайд этган ҳолда тегишли далолатнома тузади.

10.5. Бажарувчи Буюртмачининг ёзма розилигисиз бажариладиган ишни ёки унинг алоҳида қисмининг бошқа учинчи шахсга сотишга ёки топширишга ҳақли эмас.

10.6. Таъмирлаш ишларини бажариш натижасида Бажарувчининг айби билан учунчи шахсга етказилган зарар Бажарувчининг айби билан бўлганда эса – Буюртмачи томонидан қопланади. Бажарувчи етказилган зарарни тугатиш учун зудлик билан чоралар кўради, шу жумладан тегишли харажатларни Буюртмачи қоплайдиган тақдирда ҳам.

10.7. Ушбу шартнома икки нусхада тузилган бўлиб, иккала нусха ҳам бир хил юридик кучга эга ва тарафларга бир нусхадан берилади.

11. ТАРАФЛАРНИНГ РЕКВИЗИТЛАРИ:

БУЮРТМАЧИ:	БАЖАРУВЧИ:
<p>«Узавтосаноат» АЖ</p> <p>Манзил: Тошкент шаҳри, Миробод тумани, Амир Темура шох кўчаси, 13-уй.</p> <p>Банк реквизитлари: Банк номи: Тошкент ш., "ТИФ Миллий Банки" АЖ Бош амалиёт филиали; МФО: 00407; х/р: 2021 0000 3004 3147 5001; ОКЭД: 84111; СТИР: 201053918;</p>	

Тасдиқ

**Маҳаллийлаштириш,
кооперация алоқаларини
саноатда кенгайтириш ва
ахборот технологиялари
масалалари бўйича бошқарув
раисининг биринчи ўринбосари**



2022-01-20 12:43

А. В. Рафиқов

Розилиқ

Бошқарув раисининг биринчи ўринбосари ёрдамчиси



2022-01-19 22:51

Д. Э. Абдулхайев

Бош мутахассис



2022-01-19 12:56

В. О. Серикова

масъул

Бошқарма бошлиғи



2022-01-19 11:48

Г. Р. Хусайнов